

AUZITEGI NAZIONALA. Atzerapena «teknikoa» izan dela adierazi zuen Joseba Alvarezek

20 mahaikideren deklarazioa datorren ostegunera arte atzeratu du Garzonek

Epalea medikuarengana joan zen atzo senda-agiriaren bila, baina hark ez zion eman

Erredakzioa | DONOSTIA

HB, EH eta Batasuneko 20 mahaikidek gaur Espainiako Auzitegi Nacionalean inputatu gisa zeukaten hitzordua datorren ostegunera arte, hilak 19, atzeratu du Garzon epaileak. Joan den abuztuaren 26an Batasunaren jardura eteteko erabakia jasotzen duen sumarioaren barruan hainbat garaitako 20 mahaikide deitu zituen deklaratzera Garzon epaileak, ETako kide izatea leporaturik. Garzon gaitxoaldian dago, joan den azaroaren 24an aurpegiko paralisi bat jasan zuenez geroztik. Atzo goizean, Auzitegi Nacionaleko medikuarengana joan zen Garzon senda-agiriaren bila, baina hark ez zion eman. Hala, Garzonek agerian utzi zuen berak hartu nahi ziela deklarazioa HB, EH eta Batasuneko mahaikideei. Horrez gain, kontuan hartu behar da ordezko epaileari, Guillermo Ruiz Polancori, hurbileko senide bat hil zaiola. Hori guztia kontuan harturik atzeratu egin dute inputatutako mahaikideen deklarazioa. Mahaikideek atzo goizean izan zuten horren berri, Madrilgo bidaia egiteko prest zeudenean.

Joseba Alvarez Batasuneko legebiltzarkideak «erabat teknikitzat» jo zuen atzerapena. Alvarezen ustez, ez dauka zerikusirik «Auzitegiaren edo Espainiako Gobernuaren inongo jarrera aldaketarekin». Bestalde, Bizkaiko Batzar Nagusiek ez zuten onartu auzi honetan inputatuta dagoen Sabin del Bado batzarkideari elkartasuna adierazteko proposamena. EAJ, PSE eta PPK kontra bozkatu zuten, EB-IU abstenitu zen, eta Sozialista Abertzaleek eta EAK alde bozkatu zuten. Del Badok eskertu zion EAri sostengua.



ANDONI CANELLADA / ARGAZKI PRESS

Joan den asteazkenean azken urteetako 70 mahaikide inguruk Donostian egindako agerraldia.

SEGI

Abenduaren 19an lana uztera deitu du Segik

Abenduaren 19rako hainbat herritarrek egindako lanuzte deiari babesa eman zien atzo Segik. Euskal gazteriarri «ikastetxeetara goizean joan eta bertan greba egitea» galdegin zioten, «gure herria defenditzeko», Eneko Aizpuru Segiko kideak adierazi zuenez. Alabaina, «indar autonomistek Euskal Herriarekin bukatu nahi duten artean Euskal Herria defenditzen» segitu behar dela gehitu zuen Aizpuruak. «Zilegi eta beharrezkoak diren autodefentsa mekanismoak abian jarri behar dira».

Euskal Herria «askatzeko borrokan» dabilen ezker abertzalea gelditzea saiatzen badira ere, «apustu horrek» ez duela balio adierazi zuen

Rekartek. HB, EH eta Batasuneko Mahai Nazionalako 20 kidek Espainiako Auzitegi Nacionalean deklaratu behar dutela eta, Segik berriz ere azpimarratu zuen bide hori «antzua» dela, Amaia Rekalte Segiko kideak azaldu zuenez. Kari horretara antolatuak diren mobilizazioei atxikimendua helarazi zien gazte erakundeak. Kriminalizazioarekin eta errepresioarekin «lortuko duten gauza bakarra gatazka politikoa luzatzea» dela adierazi zuen Rekartek.

Ibarretxeren proposamenari buruz ere gogoeta egin zuten. «Independentziaren aldeko bidea saihestu eta ziklo autonomiko berri bat» abiatuko du, haien ustez. «Itun autonomista zehaztea Espainiako Estatuari jarrera ona duela erakusteko da», esan zuen Rekartek. Abenduaren 22an ETA kanpora lelopean egingo den manifestazioa horren adibidea dela esan zuen. Haiantzat, jarrera «patetiko eta lotsagarria» da.

MOBILIZAZIOAK

Elkarretaratzeak eta itxialdiak egingo dira gaur eta bihar

Erredakzioa | DONOSTIA

Inputatuen agerraldia atzeratu arren, egunotako mobilizazioei eutsi egin zaie, eta atzo hasi ziren han-hemenka protestak. Hala ere, ekitaldirik gehienak gaur eta bihar izango dira, eta hilaren 19an.

Ekitaldien artean aipagarriak dira LABek gaur eguerdian Donostian, Bilbon eta Gasteizen egingo dituenak. «Ezker abertzalearen aurkako jazarpen politiko eta judiziala» salatuko du LABek. Donostiako elkarretaratzea 12:30ean izango da, Anotetan, eta gero manifestazioa egingo dute Bulebarrera. Bilbon, 12:00etan hasi eta elkarretaratzea eta giza katea egingo dituzte Probintzia Auzitegiaren inguruan, 13:00ak arte. Gasteizen ere eguerdian izango da kontzentrazioa, Andra Mari Zuriaren plazan.

Mobilizazio horiez gain, herrietan izango dira beste hainbat. Zarautzen (Gipuzkoa), Salbatore Mitxelena ikastolako irakasleek antolatuta, elkarretaratzea izango da gaur 14:00etatik 14:20ra. Joseba Permach eta Esther Agirrerren —inputatuetatik bi— alaba nagusia bertako ikaslea da, eta elkartasuna adieraziko diete. Herritar orori parte hartzeko deia egin diete.

Arbizun (Nafarroa), itxialdia egingo dute kiroldegian, 20:30etik aurrera. Elorrión (Bizkaia) ere itxialdia egingo dute, udaletxeko pleno aretoan, 20:00etan hasi eta larunbata eguerdira arte. Aurretik kartelada egingo dute, 19:30ean.



J. Bengoa

PIANO ESKAINTZAK URTEA AMAITU ARTE

MAMUT MUSIKA ZENTROA (Oartzun)

EUSKO JAURLARITZA

ETXEBIZITZA ETA GIZARTE
GAIETAKO SAILA



GOBIERNO VASCO

DEPARTAMENTO DE VIVIENDA
Y ASUNTOS SOCIALES

IRAGARKIA

Eusko Jaurlaritzako Etxebizitza eta Gizarte Gaietako Sailak ondokoa jakinarazten du: 2003ko lehenengo seihilekoan Sailak egingo dituen etxebizitzaren zozketetan*, ETXEBIDEN abenduaren 18ra arte izena eman dutenek hartuko dute parte**. Hala ere, egun hori igaro ondoren inskribatzen denak izango du erregistroan sartzera, eta baldintzak betetz gero, parte har dezake ondorengo zozketetan.

*Honako udalerri hauetan izango dira zozketak: Bilbao, Amorebieta-Etxano, Arrigorriaga, Berango, Bermeo, Durango, Getxo, Güeñes, Lekitio, Muskiz, Otxandio, Portugalete, Sopuerta, Trucios-Turtzioz, Andoain, Aretxabaleta, Arrasate, Beasain, Bergara, Donostia-San Sebastián, Eibar, Eskoriatza, Hernani, Ibarra, Lasarte, Segura, Tolosa, Amurrio, Asparrena, Bilal, Legutiano, Vitoria-Gasteiz eta Zambrana.

**2002ko abenduaren 31 izango da izena emateko azken eguna, Vitalquiler S.L. enpresak alokairu-erregimenean sustatutako 184 etxebizitzaren zozketan parte hartzeko.

Gasteizen, 2002ko abenduaren 12an.



Hernaniko Udala

Udalbatzarrek, 2002ko urriaren 31an eginiko Osoko Bilkuran, uztailearen 5eko 11/89 Foru Arauak eta horrekin bat datozen gainontzeko xedapenek ematen dizkieten ahalmenak erabiliz ZERGA LOKALAK ETA PREZIO PUBLIKOAK ezarri eta erregulatzeari buruzko akordioak hartu ditu, 2003ko urtarilaren 1etik aurrera aplikatuak izateko.

Horiei dagozkien espedienteak Udala honetako Fondon Kontuhartzailetzako bulegoan egongo dira ikusgai 30 egunez iragarkia Gipuzkoako Aldizkari Ofizialean (212 zk. 2002ko azaroaren 8a) argitaratu eta biharamunetik aurrera kontatzen hasita, egoki irizitako erreklamazio oro aurkeztu ahal izan dadin.

Aplikatu 11/89 Foru Arueko 16.2 artikulua ezarritakoa betetz argitaratu eman da, denek jakin dezan.

Hernani, 2002ko abenduaren 12a.
OGASUN ETA ONDARE DELEGATUA